

Kontseilu Errektoreko kideen ordainsari-politika

Kontseilu Errektoreko kideen ordainsari-politikari dagokionez, 2016ko apirilaren 23an egindako LABORAL Kutxaren Batzar Nagusiak onartu zuen aho batez (kontrako botorik eta abstentziorik gabe), deitutako bazkideen % 4,41en partaidetzarekin (114.919 botoren titularrek osatzen dute, boto guztien % 37,60 izanik) eta erabaki honen arabera:

“Proposamen gisa aurkeztutako Kontseilu Errektoreko kideen ordainsari-politika onartzea, estatutuetan aurreikusitako ordainketa-sistemarekin eta indarrean den araudiarekin bat etorritz. Bertan behar bezala zehazten da Kontseilu Errektoreko kideek ez dutela ordainsaririk jasotzen administrazio-organo horretako kide izateagatik, ezta kontseilariak diren lan-bazkideek ere Kontseiluan parte hartzeagatik. Horiek ez dute ordainsaririk jasotzen, ez finkorik eta ez aldakorrik, erakundeko “ohiko” lanpostua betetzeagatik jasotzen dutena alde batera utzita.

Aurrekoari kalterik egin gabe, Caja Laboral Popularrak lehendakariaren arduraldia ordaintzen du, eta, zehaztutako prozeduren bitartez, hari ordaintzen dion erakundeak Caja Laboral Popular Coop. de Créditok zehaztutako ordainsariei buruzko irizpideak aplikatzen dituela bermatzen du, kreditu-erakundeentzat zehaztutako araudiaren esparruan”.

Kontseilu Errektoreko lehendakaria da bere arduraldiaren ordaintan ordainsaria jasotzen duen kontseilari bakarra, eta 2017ko Zuhurtziazko Garrantziko Txostenaren 65. orrialdeko hurrengo taulan jasotzen da hori.

(eurotan)

KARGU MOTAREN ARABERA	PERTSONA KOP.	ORDAINSARI FINKOA	ORDAINSARI ALDAKORRA	ORDAINSARI OSOA
Kontseilu Errektoreko lehendakaria	1	134.705	25.925	160.630
Goi-zuzendariak	8	922.309	170.989	1.093.298
Identifikaturiko gainerako langileak	10	768.943	140.048	908.990
GUZTIRA	19	1.825.957	336.962	2.162.918

32. taula: Identifikaturiko kolektiboaren ordainsari bateratua, kargu motaren arabera.